



U ghjucadori di u Sporting

Enunciatu

Era Petru un ghjucadori prufissionali di u Sporting Club di Bastia ! Hà ghjucatu 12 anni com'è attaccanti. Eccu u numeru di i punti ch'eddu hà marcatu in a so carriera pà ogni staghjoni :

12-18-12-15-12-15-21-20-18-15-13-15

1. Calculà a media di i punti ch'eddu hà marcatu in a so carriera.
2. a. Prisintà sta siria statistica in u tavuleddu sottu quì :

Punti Marcati							
Effittivu							

- b. Calculà a media di i punti ch'eddu hà marcatu in a so carriera aiutendu si di stu tavuleddu.
- c. Calculà a media di i punti ch'eddu hà marcatu in a so carriera aiutendu si di stu tavuleddu è di un lugiziali di calculu :

	A	B	C	D	E	F	G
1	Punti Marcati						
2	Effittivu						
3							
4							

3. Calculà a stesa di sta siria statistica.
4. Calculà a midiana di sta siria statistica. Intarprità.
5. Custruscia u diagramma à stecchi di sta siria statistica.
6. Calculà u valori u più chjucu Q_1 di a siria chì faci chì un quartu di sta siria, à u minimu, sia infiriori o uguali à Q_1 .
7. Calculà u valori u più chjucu Q_3 di a siria chì faci chì i trè quarti di sta siria, à u minimu, sia infiriori o uguali à Q_3 .
8. Calculà a differenza $Q_3 - Q_1$. Intarprità.
9. Aghjunghja una ligna à u tavuleddu di a dumanda 2 pà pudè calculà i friquenzi. Calculà li. Attunduliscia à u cintesimu più o menu, in parcentuali.
10. Custruscia u diagramma à chjerchju di i friquenzi.

Asirciziu d'applicazioni

Ogettivi pedagogichi

Capacità missi in baddu :

aduprà di definizioni di i statistichi ; aduprà i parcentuali ; intarprità statistichi ; custruscia diagramma.

Cumpitenzi missi in baddu : calculà.

Lessicu

Puntu : *but.*

Media : *moyenne.*

Midiana/mediana : *médiane.*

Stesa : *étendue.*

Diagramma à stecchi : *diagramme en bâton.*

Diagramma à chjerchju : *diagramme circulaire.*